

«Til dette grøderike og til tider gudsforlatne landet
ger ein Tycho Brahe i si tid herja og pinte ut bønder,
var fjordhesten eit lyslugga livshåp.»

BERGINGA

Men oppgangstidene kom. I rett tid – når det såg som mørkast og mest kritisk ut. Hestetenesta i Forsvaret skulle leggst ned, det bestemte Stortinget i 1984. No var det viktig for alle hestevenner, ikkje berre fjordhestfolk, å få til ordningar der Forsvaret, det vil seie Forsvarskomiteen på Stortinget, ville kompensere for det tapet Hestemiljøet ville lide ved at det ikkje lenger fanst institusjonar som dreiv aktivt med opplæring i stell og bruk av hest. Stortingsrepresentant Ambjørge Sælthun frå Sogn og Fjordane var saksordførar for nedleggjinga av hestetenesta i Forsvaret. Ho fekk Forsvarskomiteen til å gå inn for nedleggjing av hestetenesta i Forsvaret, men det skulle ikkje skje før det var funne erstatning for den sivile bruken av hesten i Forsvaret. Dette førte til eit vedtak om at det skulle opprettast ei stifting, Norsk Hestesenter på Starum, med avdelingar for Fjordhest på Vestlandet og Nordlandshest i Nord-Norge.

Bakgrunnen var mellom anna at Kløvkompaniet til Forsvaret på Skjold i Troms var ein stad hesteinteresserte unggutar hadde søkt seg til for å avtjene militærtenesta, og for å få med seg ei grundig opplæring i hestestell på kjøpet. Forsvaret hadde til tider vore store kjøparar av hestar, og var i mange år sikre kundar for hestealarar.

Dei tok på seg å vere ryggrada for arbeidet for dei tre norske kulturrasane, Fjordhest, dølehest og nordlandshest. Med



eitt pennestrøk kunne denne institusjonen vere vekke, og landet ville då stå utan nokon garantist for at det til alle tider ville vere hestar av dei tre kulturrasene her i landet.

Situasjonen var alvorleg. Det trongst utkropne eigenskapar, diplomatisk orienteringsevne, initiativ og menneske med talemåter. Jon Hegdal kasta seg inn i dette arbeidet. Han visste vel ikkje heilt kva han gjorde, men saman med andre hestefolk finlas han lovverk og stortings-

Ambjørge Sælthun, her i samtale med Jon Hegdal, gjorde ein framifrå innsats for å få bygd opp Norsk Hestesenter, og starta opp den sivile opplæringa innan fjordhest.